

10. oktober

UKA2018/23

Uunga siunnersuut: Pisortat oqartussaaffigisaanni suliffeqarfiinilu nioqqu-tis-sanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. xx, xx. xxx 2018-imeersoq.

(Inuussutissarsiornermut Nukissiuuteqarnermullu Naalakkersuisoq)

Suliassaq una soqutiginarloq innuttaasunik minnerunngitsumillu nunatsinni niuerner-mik suliaqartunik attuumassuteqarluinnarpoq uggornarpoq 2018-imi qinersisoqaler-nissaa patsisigalugu aatsaat ukiaq manna saqqummiunneqarmat.

Siumup tungaaniit nuannaarutigaarput una inatsisissatut siunnersuut tunngavigalugu nunatsinni suliffeqarfiit niuerfiillu periarfissaqalissammata ammasumik annertunerusu-millu peqataanissaminnut.

Uani inatsisissatut siunnersuummi anguniakkat ilagaat pisortat suliffeqarfiisa nuna-tsinni suliffeqarfinniit ulluinnarni atugassaminnik annertunerusumik pisisalernissaat

Maluginiarparput aningaasat saqqummiunneqartut minnerpaaffissatut killiliunneqartut 500.000 kr.-iunissaat. Tusarniaanermi akissutini ilaatigut takuneqarsinnaavoq akisut ilaasa taanna,soorlu 200.000 kr.-inut appartinneqarnissaat eqqarsaataaqqugaat.

Siumumiit isumaqarpugut nunatsinni suliffeqarfiit niuernermillu suliaqartut amerla-nersaat mikisunnguummata aamma tamakku peqataanissaminnut periarfissinneqar-nissaat. Tamanna ataatsimiititaliami suliarineqanissaani eqqumaffigeqquarput.

Isumaqataavugut naammagittaalliortarfimmik pilersitsisoqarnissaanut. Tassuuna qulakkeerneqassammata suliat ingerlanneqarnerisa ammasumik ingerlanneqarnissaat.

Taamatut oqaaseqarluta suliassaq sukumiisumik ataatsimiititaliami suliarineqarnissaa innersuussutigaarput.

Hermann Berthelsen, Siumut